

כל בשמרה דמרן ישוע משיחא

הקדמה



Icuti jucundum totius universi Luminare, Solem innuo, radiorum jubare facile reliquis cœli incolis palmam præripit, & tamen suis deformitatibus, quas maculas nuncupare assolent, haudquaqvam destituitur. vid *Cherubin d' Orleans in Dioptrique oculaire Part III. Chapitr. VII. p. 303. sqq.* ita Simson Solis instar inter Israelitas coruscans, nævis quoque insignibus conspicuus fuit. Vim nominis **שמשון** si spectes, Solem contueris, uti enim æquivolenti vocabulorum significatu & **זכרון** & **זכר** *memoriam* designat, ita sive **שמשון** sive **שמש** dicas, nihilominus utrâque harum vocum Solem effers, vid. *Hilleri Onomastic. P. I. p. m. 88. 191. P. II. p. 932.* ut non opus sit cum *DN. Job. Schuetzio in Apparatu Nominum propriorum Tom. IV. p. 712.* **שמשון** pro diminutivo agnoscere, & per *parvum Solem* exponere. Quemadmodum jam illustrem Solis cœlestis faciem contemplari curiosi mortalium in deliciis habent; cujus rei specimen præbuit *Christoph. Scheunerus in Tr. cui Tit: Apelles post Tabulam, & alio sub tit: Rosa Ursina;* ita in Solis terrestris sive Simsonis nostri vitam ac facinora anxie inquirere, omnem movent lapidem. Infinitam hinc miscellorum Simsoniticorum segetem deprehendimus, cujus hic aliqualem proventum subministrare haud deero. Nim: *heroicam Simsonis virtutem* persequi anhelavit *D. Ad. Rechenbergius in Diss. de Simsone Heroe Lips: an. 1670.* In *enigmati* ipsius ingeniosi consideratione ingenii acumen exercuere *Job. Frischmuthus in diss. cui tit. Simson ἀινγματισήs Jen. 1654.* *Job. Ulricus Wildius in diss. de enigmate Simsonis Lips. an. 1665,* *Theod. Kirchmajerus de Enigmate Simsonis Witeb. 1672.* *D. Ægid. Strauchius de Enigmate Simsonis, Ged. an. 1681.* Vulpes revera à Simsone frumentis Philistæorum immisos esse, evicere Reverendiss. Pomeraniæ Svecicæ Rugiæque Præsul, immortalis vita dignus, **DN. D. MAYE-**

A

RUS